

通鑑總類

三十五

通鑑總類卷第十八

循吏門

漢黃霸獨用寬和為名

本始元年初上官桀與霍光爭權光既誅桀遂遵武帝法度以刑罰痛繩羣下由是俗吏皆尚嚴酷以為能而河南太守丞黃霸獨用寬和為名宣帝在民間時知百姓苦吏急也聞霸持法平乃召以為廷尉正數決疑獄庭中稱平

漢世良吏於是為盛

地節二年宣帝興于閭閻知民事之艱難霍光既薨始親政事厲精為治五日一聽事自丞相已下各奉職奏事數奏其言考試功能侍中尚書功勞當遷及有異善厚加賞賜至于

四

通鑑總類卷十八

循吏門

一

子孫終不改易樞機周密品式備具上下相安莫有苟且之意及拜刺史守相輒親見聞觀其所由退而考察所行以質其言有名實不相應必知其所以然常稱曰庶民所以安其田里而亡歎息愁恨之心者政平訟理也與我共此者其唯良二千石乎以為太守吏民之本數變易則下不安民知其將久不可欺罔乃服從其教化故二千石有治理效輒以璽書勉厲增秩賜金或爵至關內侯公卿缺則選諸所表以次用之是故漢世良吏於是為盛稱中興焉

龔遂以便宜治渤海

四年北海太守廬江朱邑以治行第一人為大司農渤海太守龔遂入為水衡都尉先是渤海左右郡歲饑盜賊並起二

千石不能禽制宣帝選能治者丞相御史舉龔遂宣帝拜爲勃海太守召見問何以治勃海息其盜賊對曰海瀕遐遠不霑聖化其民困於飢寒而吏不恤故使陛下赤子盜弄陛下之兵於潢池中耳今欲使臣勝之邪將安之也宣帝曰選用賢良固欲安之也遂曰臣聞治亂民猶治亂繩不可急也唯緩之然後可治臣願丞相御史且無拘臣以文灑得一切便宜從事宣帝許焉加賜黃金贈遣乘傳至勃海界郡聞新太守至發兵以迎遂皆遣還移書敕屬縣悉罷逐捕盜賊吏諸持鉏鉤田器者皆爲良民吏毋得問持兵者乃爲賊遂單車獨行至府盜賊聞遂教令即時解散棄其兵弩而持鉏鉤於是悉平民安土樂業遂乃開倉廩假貧民選用良吏尉安牧養焉遂見齊俗奢侈好末技不田作乃躬率以儉約勸民務農桑各以口率種樹畜養民有帶持刀劍者使賣劍買牛賣刀買犢曰何爲帶牛佩犢勞來循行郡中皆有畜積獄訟止息

四五

通鑑總類卷十八

循吏列傳二

前有召父後有杜母

建武七年南陽太守杜詩政治清平興利除害百姓便之又修治陂池廣拓土田郡內比室殷足時人方於召信臣南陽爲之語曰前有召父後有杜母

張堪爲政樂不可支

十五年騎都尉張堪領杜茂營擊破匈奴於高柳拜堪漁陽太守堪視事八年匈奴不敢犯塞勸民耕稼以致殷富百姓

歌曰桑無附枝麥穗兩歧張君爲政樂不可支

光武歎劉昆乃長者之言

二十二年初陳留劉昆爲江陵令縣有火災昆向火叩頭火尋滅後爲弘農太守虎皆負子度河光武聞而異之徵昆爲光祿勳光武問昆曰前在江陵反風滅火後守弘農虎北度河行何德政而致是事對曰偶然耳左右皆笑光武歎曰此乃長者之言也顧命書諸東

宗均去姦貪進忠善

永平七年以東海相宗均爲尚書令初均爲九江太守五日一聽事悉省掾史閉督郵府內屬縣無事百姓安業九江舊多虎暴常募設檻穿而猶多傷害均下記屬縣曰夫江淮之

四十一

通鑑總類卷十八

循吏門三

有猛獸猶北土之有雞豚也今爲民害各在殘吏而勞勤張捕非憂恤之本也其務退姦貪思進忠善可一去檻穿除削課制其後無復虎患明帝聞均名故任以樞機均謂人曰國家喜文法廉吏以爲足止姦也然文吏習爲欺謾而廉吏清在一已無益百姓流亡盜賊爲害也均欲叩頭爭之時未可改也久將自苦之乃可言耳未及言會遷司隸校尉後明帝聞其言追善之

廉范不禁夜作以便民

建初六年廉范遷蜀郡太守成都民物豐盛邑宇逼側舊制禁民夜作以防火災范乃毀削先令但嚴使儲水而已百姓以爲便歌之

綺

章帝以苛刻經重戒吏治

元和二年詔三公曰夫俗史矯飾外貌似是而非朕甚厭之甚苦之安靜之吏相恤無華日計不足月計有餘如襄城令劉方吏民同聲謂之不煩雖未有它異斯亦殆近之矣夫以苛為察以刻為明以輕為德以重為威四者或興則下有怨心吾詔書數下冠蓋接道而吏不加治民或失職其咎安在勉思舊令稱朕意焉

班超以嚴急戒任尚

永元十四年班超被徵以戊巳校尉任尚代為都護尚謂超曰君侯在外國三十餘年而小人猥承君後任重慮淺宜有

四十三

通鑑總類卷十八

循吏門四

以誨之超曰年老失智君數當大位豈班超所能及哉必不得已願進愚言塞外吏士本非孝子順孫皆以罪過徙補邊屯而蠻夷懷鳥獸之心難於養易敗今君性嚴急水清無大魚察政不得下和宜蕩佚簡易寬小過總大綱而已超去後尚私謂所親曰我以班君當有奇策今所言平平耳尚後竟失邊和如超所言

唐陸象先不施箠以示威

開元九年蒲州刺史陸象先政尚寬簡吏民有罪多曉諭遣之州錄事言於象先曰明公不施箠何以示威象先曰人情不遠此屬豈不解吾言邪必欲箠以示威當從汝始錄事慙而退象先嘗謂人曰天下本無事但庸人擾之耳苟清

其源何憂不治

陽城撫字心勞徵科政拙

貞元十四年太學生薛約師事司業陽城坐言事徙連州城送之郊外德宗以城黨罪人左遷城道州刺史城治民如治家州之賦稅不登觀察使數加誚讓城自署其考曰撫字心勞徵科政拙考下下觀察使遣判官督其賦至州城先自囚於獄判官大驚馳入謁城於獄曰使君何罪某奉命來候安否耳留一二日未去城不復歸館門外有故門扇橫地城晝夜坐卧其上判官不自安辭去其後又遣他判官往按之他判官載妻子行中道逸去

宣宗命杜牧撰韋丹遺愛碑

通鑑總類卷十八

循吏門五

大中三年宣宗與宰相論元和循吏孰為第一周墀曰臣嘗守土江西聞觀察使韋丹功德被於八州沒四十年老稚歌思如丹尚存宣宗詔史館修撰杜牧撰丹遺愛碑以紀之仍擢其子河陽觀察判官宙為御史

後漢劉審交治汝州有仁政

乾祐三年汝州奏防禦使劉審交卒吏民詣闕上書以審交有仁政乞留葬汝州得奉事其丘壟詔許之州人相與聚哭而葬之為立祠歲時享之太師馮道曰吾嘗為劉君僚佐觀其為政無以踰人非能減其租賦除其黥役也但推公廉慈愛之心以行之耳此亦衆人所能為但它人不為而劉君獨為之故汝人愛之如此使天下二千石皆効其所為何患得

民不如劉君哉

通鑑總類卷十八

循吏門六

能吏門

漢虞詡為朝歌長平盜賊

永初四年鄧騭惡虞詡欲以吏法中傷之會朝歌賊寧季等數千人攻殺長吏屯聚連年州郡不能禁乃以詡為朝歌長故舊皆弔之詡笑曰事不避難臣之職也不遇槃根錯節無以別利器此乃吾立功之秋也始到謁河內太守馬稜稜曰君儒者當謀謨廟堂乃在朝歌甚為君憂之詡曰此賊犬羊相聚以求溫飽耳願明府不以為憂稜曰何以言之詡曰朝歌者韓魏之郊背太行臨黃河去敖倉不過百里而青黃之民流亡萬數賊不知開倉招眾劫庫兵守成臯斷天下右臂此不足憂也今其眾新盛難與爭鋒兵不戢權願寬假轡策

四〇五〇

通鑑總類卷十八

能吏門七

祥

勿令有所拘閔而已及到官設三科以募求壯士自掾史以下各舉所知其攻劫者為上傷人偷盜者次之不事家業者為下收得百餘人詡為饗會悉貫其罪使入賊中誘令劫掠乃伏兵以待之遂殺賊數百人又潛遣貧人能縫者傭作賊衣以采線縫其裾有出市里者吏輒禽之賊由是駭散咸稱神明縣境皆平

虞詡擊破羗虜一郡遂安

元初二年太后聞虞詡有將帥之略以為武都太守羗眾數千遮詡於陳倉嶠谷詡即停軍不進而宣言上書請兵須到當發羗聞之乃分鈔傍縣詡因其兵散日夜進道兼行百餘里令吏士各作兩竈日增倍之羗不敢逼或問曰孫臏滅

而君增之兵灩日行不過三十里以戒不虞而今日且二百里何也謂曰虜衆多吾兵少徐行則易為所及速進則彼所不測虜見吾竈日增必謂郡兵來迎衆多行速必憚追我孫臧見弱吾今示彊執有不同故也既到郡兵不滿三千而羗衆萬餘攻圍赤亭數十日謂乃令軍中彊弩勿發而潛發小弩羗以為矢力弱不能至并兵急攻謂於是使二十彊弩共射一人發無不中羗大震退謂因出城奮擊多所傷殺明日悉陳其兵衆令從東郭門出北郭門入貿易衣服回轉數周羗不知其數更相恐動謂計賊當退乃潛遣五百餘人於淺水設伏候其走路虜果大奔因掩擊大破之斬獲甚衆賊由是敗散謂乃占相地執築營壁百八十所招還流亡假賑貧

民開通水運謂始到郡穀石千鹽石八千見戶萬三千視事三年米石八十鹽石四百民增至四萬餘戶人足家給一郡遂安

宋長沙王鎮壽陽遂為盛藩

元嘉七年以長沙王義欣為豫州刺史鎮壽陽壽陽土荒民散城郭頽敗盜賊公行義欣隨宜經理境內安業道不拾遺城府完實遂為盛藩考陂久廢義欣修治隄防引淠水入陂溉田萬餘頃無復旱災

廉吏門

漢孔奮在姑臧力行清潔

建武十二年光武詔竇融與五郡太守入朝融等奉詔而行官屬宿交相隨姑臧長孔奮為武都郡丞姑臧在河西最為富饒天下未定士多不脩檢操居縣者不盈數月輒致豐積奮在職四年力行清潔為衆人所笑以為身處脂膏不能自潤及從融入朝諸守令財貨連轂彌竟川澤唯奮無資單車就路光武以是賞之

揚震以清白遺子孫

永初四年鄧騭在位頗能推進賢士揚震孤貧好學明歐陽尚書通達博覽諸儒為之語曰關西孔子揚伯起教授二十

通鑑綱目卷十八

廉吏門九

餘年不荅州郡禮命衆人謂之晚暮而震志愈篤騭聞而辟之時震年已五十餘累遷荊州刺史東萊太守當之郡道經昌邑故所舉荊州茂才王密為昌邑令夜懷金十斤以遺震震曰故人知君君不知故人何也密曰暮夜無知者震曰天知地知我知子知何謂無知者密愧而出後轉涿郡太守性公廉子孫常蔬食步行故舊或欲令為開產業震不肯曰使後世稱為清白吏子孫以此遺之不亦厚乎

西魏裴俠清慎為天下最

梁大同九年魏諸牧守共謁丞相宇文泰泰命河北太守裴俠別立謂諸牧守曰裴俠清慎奉公為天下最有如俠者可與俱立衆默然無敢應者泰乃厚賜俠朝野歎服號為獨立

君

唐高季輔乞優給俸祿後責吏貪

貞觀八年中書舍人高季輔上言外官卑品猶未得祿飢寒
切身難保清白今倉廩浸實宜量加優給然後可責以不貪
嚴設科禁

賊吏門

酷吏門附

漢歐陽歙坐贓罪下獄死

建武十五年大司徒歐陽歙坐前為汝南太守度田不實贓罪千餘萬下獄歙世授尚書八世為博士諸生守闕為歙求哀者千餘人至有自髡剔者平原禮震年十七求代歙死光武竟不赦歙死獄中

蘇章按人姦賊

漢安元年蘇章為冀州刺史有故人為清河太守章行部欲案其姦賊乃請太守為設酒肴陳平生之好甚歡太守喜曰人皆有一天我獨有二天章曰今夕蘇孺文與故人飲者私恩也明日冀州刺史案事者公灑也遂舉正其罪州境肅然

三九三

斗鑑錄卷一八

賊吏門十一

李膺按羊元羣臧汙之罪

延熹八年宛陵大姓羊元羣罷北海郡臧汙狼籍郡舍溷軒有奇巧亦載之以歸河南尹李膺表按其罪元羣行賂宦官膺竟反坐

北魏主詔民得告守令以警貪吏

宋元嘉十四年魏世祖以民官多貪詔吏民得舉告守令不如灑者於是姦猾專求牧宰之失迫脅在位橫於閭里而長吏咸降心待之貪縱如故

何尚之極陳庾炳之受賂之過

二十五年初劉湛既誅庾炳之遂見寵任累遷吏部尚書勢傾朝野炳之無文學性彊急輕淺既居選部好詬詈賓客且

多納貨賂士大夫皆惡之炳之留令史二人宿於私宅爲有司所糾文帝薄其過欲不問僕射何尚之因極陳炳之之短曰炳之見人有燭盤佳驢無不乞匄選用不平不可一二交結朋黨構扇是非亂俗傷風過於范曄所少賊一事耳縱不加罪故宜出之文帝欲以炳之爲丹楊尹尚之曰炳之蹈罪負恩方復有尹京赫赫之授乃更成其形勢也古人云無賞無罰雖堯舜不能爲治歷觀古今未有衆過藉藉受貨數百萬更得高官厚祿如炳之者也文帝乃免炳之官以徐湛之爲丹楊尹

北魏元暉盧昶號餓虎飢鷹

梁天監五年魏右衛將軍元暉與侍中盧昶皆有寵於世宗

四五八

通鑑總類卷十八

賊吏門十二

而貪縱時人謂之餓虎將軍飢鷹侍中暉尋遷吏部尚書用官皆有定價大郡二千匹次郡下郡遞減其半餘官各有等差選者謂之市曹

唐裴矩諫殺受賂之吏

武德九年太宗患吏多受賂密使左右試賂之有司門令史受絹一匹太宗欲殺之民部尚書裴矩諫曰爲吏受賂罪誠當死但陛下使人遺之而受乃陷人於灋也恐非所謂道之以德齊之以禮太宗悅召文武五品已上告之曰裴矩能當官力爭不爲面從儻每事皆然何憂不治 臣光曰古人有言君明臣直裴矩佞於隋而忠於唐非其性之有變也君惡聞其過則忠化爲佞君樂聞直言則佞化爲忠是知君者表

也臣者景也表動則景隨矣

太宗賜絹愧貪吏

貞觀元年右驍衛大將軍長孫順德受人餽絹事覺太宗曰
順德果能有益國家朕與之共有府庫耳何至貪冒如是乎
猶惜其有功不之罪但於殿庭賜絹數十匹大理少卿胡演
曰順德枉灑受財罪不可赦柰何復賜之絹太宗曰彼有人
性得絹之辱甚於受刑如不知愧一禽獸耳殺之何益

李義府專以賣官為事

龍朔三年右相河間郡公李義府典選恃中宮之勢專以賣
官為事銓綜無次怨讟盈路高宗頗聞之從容謂義府曰卿
子及壻多為非法卿宜戒之義府勃然變色殊不引咎緩步

四三二

通鑑總類卷十八

職吏門十三

而去高宗由是不悅望氣者杜元紀謂義府所居第有獄氣
空積錢二十萬緡以厭之義府信之聚斂尤急或告義府陰
有異圖又遣其子右司議郎津召長孫无忌之孫延受其錢
七百緡除延司津監倉曹參軍楊行穎告之乃下義府獄遣
司刑太常伯劉祥道鞫之事皆有實詔義府除名流雋州朝
野莫不稱慶

張嘉祐賊發累嘉貞

開元十一年張說與張嘉貞不平會嘉貞弟金吾將軍嘉祐
賊發說勸嘉貞素服待罪於外明皇左遷嘉貞幽州刺史

程行湛乞禁錮酷吏子孫

十三年御史大夫程行湛奏周朝酷吏來俊臣等二十三人

情狀尤重子孫請皆禁錮傳遊藝等四人差輕子孫不聽近任明皇從之

裴耀卿諫明皇杖賊吏

二十五年夷州刺史楊濬坐賊當死明皇命杖之六十流古州左丞相裴耀卿上疏以為決杖贖死恩則甚優解體受笞事頗為辱止可施之徒隸不當及於士人明皇從之

張涉薛邕繼以賊敗

建中元年德宗初即位踈斥宦官親任朝士而張涉以儒學入侍薛邕以文雅登朝繼以賊敗宦官武將得以藉口曰南牙文臣賊動至巨萬而謂我曹濁亂天下豈非欺罔邪於是德宗心始疑不知所倚杖矣

謀臣門

漢蕭何勸漢王王漢中

元年項羽立沛公爲漢王漢王怒欲攻羽周勃灌嬰樊噲皆勸之蕭何諫曰雖王漢中之惡不猶愈於死乎漢王曰何爲乃死也何曰今衆弗如百戰百敗不死何爲夫能詘於一人之下而信於萬乘之上者湯武是也臣願大王王漢中養其民以致賢人收用巴蜀還定三秦天下可圖也漢王曰善乃遂就國

張良爲畫策臣

二年張良自韓間行歸漢漢王以爲成信侯良多病未嘗特將常爲畫策臣時時從漢王

四十二

通鑑綱目卷十八

謀臣門十五

董公說漢王爲義帝發喪

漢王南渡平陰津至洛陽新城三老董公遮說王曰臣聞順德者昌逆德者亡兵出無名事故不成故曰明其爲賊敵乃可服項羽爲無道放殺其主天下之賊也夫仁不以勇義不以力大王宜率三軍之衆爲之素服以告諸侯而伐之則四海之內莫不仰德此三王之舉也於是漢王爲義帝發喪袒而大哭哀臨三日發使告諸侯曰天下共立義帝北面事之今項羽放殺義帝江南大逆無道寡人悉發關中兵收三河士南浮江漢以下願從諸侯王擊楚之殺義帝者

薛公知黥布出下計

十一年淮南王布反汝陰侯滕公召故楚令尹薛公問之令

尹曰是固當反滕公曰上裂地而封之疏爵而王之其反何也令尹曰往來殺彭越前年殺韓信此三人者同功一體之人也自疑禍及身故反耳滕公言之高帝高帝乃召見問薛公薛公對曰布反不足怪也使布出於上計山東非漢之有也出於中計勝敗之數未可知也出於下計陛下安枕而卧矣高帝曰何謂上計對曰東取吳西取楚并齊取魯傳檄燕趙固守其所山東非漢之有也何謂中計東取吳西取楚并韓取魏據敖倉之粟塞成臯之口勝敗之數未可知也何謂下計東取吳西取下蔡歸重於越身歸長沙陛下安枕而卧漢無事矣高帝曰是計將安出對曰出下計高帝曰何謂廢上中計而出下計對曰布故麗山之徒也自致萬乘之主此皆爲身不顧後爲百姓萬世慮者也故曰出下計高帝曰善封薛公千戶

陸賈說陳平交驩太尉

高后七年陳平患諸呂力不能制恐禍及已嘗燕居深念陸賈往直入坐曰足下極富貴無欲矣然有憂念不過患諸呂少主耳陳平曰然爲之柰何陸生曰天下安注意相天下危注意將將相和調則士豫附天下雖有變權不分爲社稷計在兩君掌握耳君何不交驩太尉深相結因爲陳平畫呂氏數事陳平用其計乃以五百金爲絳侯壽厚具樂飲太尉報亦如之兩人深相結呂氏謀益衰

鼂錯說景帝侵削七國

前三年初鼂錯所更令三十章諸侯謹譁錯父聞之從潁川來謂錯曰上初即位公爲政用事侵削諸侯䟽人骨肉口語多怨公何爲也錯曰固也不如此天子不尊宗廟不安父曰劉氏安矣而鼂氏危吾去公歸矣遂飲藥死曰吾不忍見禍逮身後十餘日吳楚七國俱反以誅錯爲名

大司馬與鄧禹定計議

更始元年大司馬秀至河北所過郡縣考察官吏黜陟能否平遣囚徒除王莽苛政復漢官名吏民喜悅爭持牛酒迎勞秀皆不受南陽鄧禹杖策追秀及於鄴秀曰我得專封拜生遠來寧欲仕乎禹曰不願也秀曰即如是何欲爲禹曰但願明公威德加於四海禹得効其尺寸垂功名於竹帛耳秀笑

通鑑紀事本末十八

謀臣門十七

因留宿閒語禹進說曰今山東未安赤眉青犢之屬動以萬數更始旣是常才而不自聽斷諸將皆庸人屈起志在財幣爭用威力朝夕自快而已非有忠良明智深慮遠圖欲尊主安民者也明公素有威德大功爲天下所嚮服軍政齊肅賞罰明信爲今之計莫如延攬英雄務悅民心立高祖之業救萬民之命以公而慮天下不足定也秀大悅因令禹常宿止於中與定計議每任使諸將多訪於禹皆當其才

馬援聚米指畫形勢

建武八年光武自將征隗囂光祿勳郭憲諫曰東方初定車駕未可遠征乃當車拔佩刀以斷車鞅光武不從西至涿諸將多以王師之重不宜遠入險阻計未決光武召馬援問之

援因說隗囂將帥有土崩之勢兵進有必破之狀又於光武前聚米爲山谷指畫形勢開示衆軍所從道徑往來分析昭然可曉光武曰虜在吾目中矣

郭嘉陳袁紹十敗曹公十勝

建安二年袁紹與曹操書辭語驕慢操謂荀彧郭嘉曰今將討不義而力不敵何如對曰劉項之不敵公所知也漢祖唯智勝項羽故羽雖彊終爲所禽今紹有十敗公有十勝紹雖彊無能爲也紹繁禮多儀公體任自然此道勝也紹以逆動公奉順以率天下此義勝也桓靈以來政失於寬紹以寬濟寬故不攝公糾之以猛而上下知制此治勝也紹外寬內忌用人而疑之所任唯親戚子弟公外易簡而內機明用人無

疑唯才所宜不間遠近此度勝也紹多謀少決失在後事公得策輒行應變無窮此謀勝也紹高議揖讓以收名譽士之好言飾外者多歸之公以至心待人而不爲虛美士之忠正遠見而有實者皆願爲用此德勝也紹見人飢寒恤念之形於顏色其所不見慮或不及公於目前小事時有所忽至於大事與四海接恩之所加皆過其望雖所不見慮無不周此仁勝也紹大臣爭權讒言惑亂公御下以道浚潤不行此明勝也紹是非不可知公所是進之以禮所不是正之以瀆此文勝也紹好爲虛勢不知兵要公以少克衆用兵如神軍人恃之敵人畏之此武勝也操笑曰如卿所言孤何德以堪之

袁紹不用田豐言爲曹操所敗

五年曹操還軍官渡袁紹乃議攻許田豐曰曹操既破劉備則許下非復空虛且操善用兵變化無方衆雖少未可輕也今不如以久持之將軍據山河之固擁四州之衆外結英雄內修農戰然後簡其精銳分爲奇兵乘虛迭出以擾河南使敵疲於奔命民不得安業我未勞而彼已困不及三年可坐克也今釋廟勝之策而決成敗於一戰若不如志悔無及也紹不從進軍黎陽遣其將顏良攻劉延於白馬曹操北救劉延良來逆戰操使張遼關羽先登擊之羽望見良麾蓋策馬刺良於萬衆之中斬其首而還紹軍莫能當者遂解白馬之圍操還軍官渡出兵與袁紹戰不勝復還堅壁操衆少糧盡士卒疲乏與荀彧書議欲還許彧報曰紹悉衆聚官渡欲與

公決勝敗今穀食雖少未若楚漢在滎陽成臯間也是時劉項莫肯先退者以爲先退則執屈也公以十分居一之衆畫地而守之搯其喉而不得進已半年矣情見執竭必將有變此用奇之時不可失也操乃堅壁持之會許攸家犯灋審配收繫之攸怒遂奔操謂操曰公孤軍獨守外無救援而糧穀已盡此危急之日也袁氏輜重萬餘乘在故市烏巢屯軍無嚴備若以輕兵襲之不意而至燔其積聚不過三日袁氏自敗也操大喜乃自將步騎五千人皆用袁軍旗幟銜枚縛馬口夜從間道出人抱束薪旣至圍屯大放火營中驚亂操遂攻之盡燔其糧穀殺士卒千餘人皆取其臯以示紹軍於是紹軍驚擾大潰袁紹走至黎陽北岸衆稍復歸之或謂曰

曰君必見重矣豐曰公貌寬而內忌不亮若忠若勝而喜猶能救我今戰敗而志內忌將發吾不望生紹軍士皆拊膺注曰向今田豐在此必不至於敗紹謂逢紀曰田別駕前諫止吾吾亦慙之紀曰豐聞將軍之退拊手大笑喜其言之中也紹曰吾不用田豐言果為所笑遂殺之初曹操聞豐不從戎喜曰紹必敗矣及紹犇遁復曰向使紹用其別駕計尚未可知也

魯肅勸孫權保江東

魯肅將北還周瑜止之因薦肅於孫權曰肅才宜佐時當廣求其比以成功業權即見肅與語悅之賓退獨引肅合榻對飲曰今漢室傾危孤思有桓文之功君何以佐之肅曰昔高

帝欲尊事義帝而不獲者以項羽為害也今之曹操猶昔項羽將軍何由得為桓文乎肅竊料之漢室不可復興曹操不可卒除為將軍計惟有保守江東以觀天下之釁耳若因北方多務勦除黃祖進伐劉表竟長江所極據而有之此王業也權曰今盡力一方冀以輔漢耳此言非所及也

劉備三往見諸葛亮

十二年初琅邪諸葛亮寓居襄陽隆中每自比管仲樂毅時人莫之許也惟潁川徐庶與崔州平謂為信然劉備在荊州訪士於襄陽司馬徽曰儒生俗士豈識時務識時務者在乎俊傑此間自有伏龍鳳雛備問為誰曰諸葛孔明龐士元也徐庶見備於新野備器之庶謂備曰諸葛孔明卧龍也將

軍豈願見之乎備曰君與俱來庶曰此人可就見不可屈致也將軍宜枉駕顧之備由是詣亮凡三往乃見因屏人曰漢室傾頽姦臣竊命孤不度德量力欲信大義於天下而智術淺短遂用猖蹶至于今日然志猶未已君謂計將安出亮曰今曹操已擁百萬之衆挾天子而令諸侯此誠不可與爭鋒孫權據有江東已歷三世國險而民附賢能爲之用此可與爲援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍也益州險塞沃野千里天府之士劉璋闇弱張魯在北民殷國富而不知存卹智能之士思得明君將軍旣帝室之胄信義著於四海若跨有荆益保其巖阻撫和戎越結好孫權內脩政

五

通鑑總類卷十八

謀臣門二十一

芳

治外觀時變則霸業可成漢室可興矣備曰善於是與亮情好日密關羽張飛不悅備解之曰孤之有孔明猶魚之有水也願諸君勿復言羽飛乃止司馬徽清雅有知人之鑑同縣龐德公素有重名徽兄事之德公常謂孔明爲卧龍士元爲鳳雛德操爲水鑑故德操與劉備語而稱之

魏賈詡勸文帝先文後武

黃初四年初文帝問賈詡曰吾欲伐不從命以一天下吳蜀何先對曰攻取者先兵權建本者尚德化陛下應期受禪撫臨率土若綏之以文德而俟其變則平之不難矣吳蜀雖最爾小國依山阻水劉備有雄才諸葛亮善治國孫權識虛實陸遜見兵執據險守要汎舟江湖皆難卒謀也用兵之道先

勝後戰量敵論將故舉無遺策臣竊料陛下無備權對雖以天威臨之未見萬全之執也昔舜舞干戚而有苗服臣以為當今宜先文後武文帝不納軍竟無功

漢石勒動靜咨張賓

晉永嘉三年初張賓好讀書闊達有大志常自比張子房及石勒徇山東賓謂所親曰吾歷觀諸將無如此胡將軍者可與共成大業乃提劍詣軍門大呼請見勒亦未之奇也賓數以策干勒已而皆如所言勒由是奇之署為軍功曹動靜咨之

北魏崔浩曾中所懷過於兵甲

宋元嘉六年魏世祖嘗引崔浩出入卧内從容謂浩曰卿才

991

通鑑總類卷一八

謀臣門二二二

智淵博事朕祖考著忠三世故朕引卿以自近卿宜盡忠規諫勿有所隱朕雖或時忿恚不從卿言然終久深思卿言也嘗指浩以示新降高車渠帥曰汝曹視此人虜纖懦弱不能彎弓持矛然其曾中所懷乃過於兵甲朕雖有征伐之志而不能自決前後有功皆此人所教也又敕尚書曰凡軍國大計汝曹所不能決者皆當咨浩然後施行

唐房杜參謀帷幄

武德四年初杜如晦為秦王府兵曹參軍俄遷陝州長史時府僚多補外官世民患之房玄齡曰餘人不足惜至於杜如晦王佐之才大王欲經營四方非如晦不可世民驚曰微公言幾失之即奏為府屬與玄齡常從世民征伐參謀帷幄軍

中多事如晦刻決如流世民每被克城請將佐爭取實
玄齡獨收采人物致之幕府又將佐有勇略者玄齡必與之
深相結使爲世民盡死力世民每令玄齡入奏事高祖歎曰
玄齡爲吾兒陳事雖隔千里皆如面談

後梁敬翔參謀議於禁中

開平元年以宣武掌書記太府卿敬翔知崇政院事以備顧問參謀議於禁中承上旨宣於宰相而行之宰相非進對時有所奏請及已受旨應復請者皆具記事因崇政院以聞得旨則復宣於宰相翔爲人沈深有智略在幕府三十餘年軍謀民政太祖一以委之翔盡心勤勞晝夜不寐自言惟馬上乃得休息太祖性暴戾難近人莫能測惟翔能識其意趣或の五子有所不可翔未嘗顯言但微示持疑太祖意已悟多爲之改易禪代之際翔謀居多

通鑑總類卷十八

謀臣門二十三

敬翔乞用王彥章爲大將

後唐同光元年敬翔知梁室已危以繩內靴中入見均王曰先帝取天下不以臣爲不肖所謀無不用今敵勢益彊而陛下棄忽臣言臣身無用不如死引繩將自經均王止之問所欲言翔曰事急矣非用王彥章爲大將不可救也梁主從之以彥章代思遠爲北面招討使仍以段凝爲副

後唐潞王不用李崧和親之謀

後晉天福元年石敬瑭盡收其貨之在洛陽及諸道者歸晉陽託言以助軍費人皆知其有異志潞王夜與近臣從容語

曰石郎於朕至親無可疑者但流言不息萬一失歡何以解之皆不對端明殿學士給事中李崧退謂同僚呂玘曰吾輩受恩深厚豈得自同衆人一槩觀望邪計將安出玘曰河東若有異謀必結契丹爲援契丹母以贊華在中國屢求和親今誠與之和歲以禮幣約直十餘萬緡遺之彼必驩然承命如此則河東雖欲陸梁無能爲矣崧曰此吾志也它夕二人密言於潞王潞王大喜稱其忠二人私草遺契丹書以俟命久之潞王以其謀告樞密直學士薛文遇文遇對曰以天子之尊屈身奉夷狄不亦辱乎又虜若循故事求尚公主何以拒之因誦戎昱昭君詩曰安危託婦人潞王意遂變一日急召崧琦至後樓盛怒責之曰卿輩皆知古今欲佐人主致太

平今乃爲謀如是朕一女尚乳臭卿欲弃之沙漠邪且欲以養士之財輸之虜庭其意安在二人懼汗流浹背曰臣等志在竭愚以報國非爲虜計也願陛下察之拜謝無數潞王詬責不已呂琦氣竭拜少止潞王曰呂琦強項肯視朕爲人主邪琦曰臣等爲謀不臧願陛下治其罪多拜何爲潞王怒稍解止其拜各賜卮酒罷之自是羣臣不敢復言和親之策

後周王朴規畫皆稱上意

顯德二年世宗謂宰相曰朕每思致治之方未得其要寢食不忘又自唐晉以來吳蜀幽并皆阻聲教未能混壹宜命近臣著爲君難爲臣不易論及開邊策各一篇朕將覽焉比部郎中王朴獻策以爲中國之失吳蜀幽并皆由失道今必先

觀所以失之之原然後知所以取之之術其始失之也莫不以君暗臣邪兵驕民困姦黨內熾武夫外橫因小致大積微成著今欲取之莫若反其所爲而已夫進賢退不肖所以收其才也恩隱誠信所以結其心也賞功罰罪所以盡其力也去奢節用所以豐其財也時使薄斂所以阜其民也俟羣才既集政事既治財用既充士民既附然後舉而用之功無不成矣彼之人觀我有必取之勢則知其情狀者願爲間諜知其山川者願爲鄉導民心既歸天意必從矣凡攻取之道必先其易者唐與吾接境幾二千里其勢易擾也擾之當以無備之處爲始備東則擾西則備西則擾東彼必奔走而救之奔走之間可以知其虛實疆弱然後避實擊虛避疆擊弱未須大舉且以輕兵擾之南人懦怯聞小有警必悉師以救之師數動則民疲而財竭不悉師則我可以乘虛取之如此江北諸州將悉爲我有既得江北則用彼之民行我之法江南亦易取也得江南則嶺南巴蜀可傳檄而定南方既定則燕地必望風內附若其不至移兵攻之席卷可平矣惟河東必死之寇不可以恩信誘必當以疆兵制之然彼自高平之敗力竭氣沮必未能爲邊患宜且以爲後圖俟天下既平然後伺間一舉可擒也今士卒精練甲兵有備羣下畏法諸將効力期年之後可以出師宜自夏秋蓄積實邊矣世宗欣然納之時羣臣多守常偷安所對少有可取者惟朴神峻氣勁有謀能斷凡所規畫皆稱上意世宗由是重其器識未幾遷左諫

議大夫知開封府事

世宗以罷兵之議謀於李穀

四年議者以唐援兵尚彊多請罷兵世宗疑之李穀寢疾在
第世宗使范質王溥就與之謀穀上疏以爲壽春危困破在
旦夕若鑿駕親征則將士爭奮援兵震恐城中知亡必可下
矣世宗悅

直臣門

漢武帝不冠不見汲黯

元朔五年衛青尊寵於羣臣無二公卿以下皆卑奉之獨汲黯與亢禮人或說黯曰自天子欲羣臣下大將軍大將軍尊重君不可以不拜黯曰夫以大將軍有揖客反不重邪大將軍聞愈賢黯數請問國家朝廷所疑遇黯加於平日大將軍青雖貴有時侍中武帝踞廁而視之丞相公孫弘燕見武帝或時不冠至如汲黯見武帝不冠不見也武帝嘗坐武帳中黯前奏事武帝不冠望見黯避帳中使人可其奏其見敬禮如此

成帝不治檻以旌朱雲之直

通鑑總類卷十八

直臣門 七

戶部

元延元年故槐里令朱雲上書求見公卿在前雲曰今朝廷大臣上不能匡主下無以益民皆尸位素餐孔子所謂鄙夫不可與事君苟患失之亡所不至者也臣願賜尚方斬馬劍斷佞臣一人頭以厲其餘成帝問誰也對曰安昌侯張禹成帝大怒曰小臣居下訕上廷辱師傅罪死不赦御史將雲下雲攀殿檻檻折雲呼曰臣得下從龍逢比干遊於地下足矣未知聖朝何如耳御史遂將雲去於是左將軍辛慶忌免冠解印綬叩頭殿下曰此臣素著狂直於世使其言是不可誅其言非固當容之臣敢以死爭成帝意解然後得已及後當治檻成帝曰勿易因而輯之以旌直臣

任延不肯言事上官

建武十二年光武以睢陽令任延為武威太守光武親見戒之曰善事上官無失名譽延對曰臣聞忠臣不和和臣不忠復正奉公臣子之節上下雷同非陛下之福善事上官臣不敢奉詔光武歎息曰卿言是也

韓歆死於直諫

十五年大司徒韓歆免歆好直言無隱諱光武每不能容歆於上前證歲將饑凶指天書地言甚剛切故坐免歸田里光武猶不釋復遣使宣詔責之歆及子嬰皆自殺歆素有重名死非其罪衆多不厭光武乃追賜錢穀以成禮葬之 臣光曰昔高宗命說曰若藥弗瞑眩厥疾弗瘳夫切直之言非人臣之利乃國家之福也是以人君夙夜求之唯懼弗得聞惜乎以光武之世而韓歆用直諫死豈不為仁明之累哉

虞詡薦左雄有王臣蹇蹇之節

永建元年尚書僕射虞詡上疏薦議郎左雄曰臣見方今公卿以下類多拱默以樹恩為賢盡節為愚至相戒曰白璧不可為容容多後福伏見議郎左雄有王臣蹇蹇之節宜擢在喉舌之官必有匡弼之益由是拜雄尚書

龐參以忠直為左右所毀

陽嘉二年太尉龐參在三公中最名忠直數為左右所毀會所舉用忤順帝旨司隸承風案之時當會茂才孝廉參以被奏稱疾不會廣漢上計掾段恭因會上疏曰伏見道路行人農夫織婦皆曰太尉參竭忠盡節徒以直道不能曲心孤立

羣邪之間自處中傷之地夫以讒佞傷毀忠正此天地之大
禁人主之至誠也昔白起賜死諸侯酌酒相賀季子來歸魯
人喜其紓難夫國以賢治君以忠安今天下咸欣陛下有此
忠賢願卒寵任以安社稷書奏詔即遣小黃門視參疾大醫
致羊酒後參夫人疾前妻子投於井而殺之雒陽令祝良奏
參罪參竟以災異免

晉劉毅比武帝於桓靈

太康三年武帝親祀南郊禮畢喟然問司隸校尉劉毅曰朕
可方漢之何帝對曰桓靈武帝曰何至於此對曰桓靈賣官
錢入官庫陛下賣官錢入私門以此言之殆不如也武帝大
笑曰桓靈之世不聞此言今朕有直臣固為勝之

四十三

通鑑總類卷十八

直臣門二十九

傳咸不畏以直致禍

永熙元年尚書左丞傳咸數諫太尉楊駿駿漸不平欲出咸
為郡守李斌曰斥逐正人將失人望乃止楊濟遺咸書曰諺
云生子癡了官事官事未易了也想慮破頭故具有白咸復
書曰衛公有言酒色殺人甚於作直坐酒色死人不為悔而
逆畏以直致禍此由心不能正欲以苟且為明哲耳自古以
直致禍者當由矯枉過正或不忠篤欲以亢厲為聲故致忿
耳安有慳慳忠益而返見怨疾乎

北魏高允真忠臣

宋大明二年魏高允好切諫朝廷事有不便允輒求見帝常
屏左右以待之或自朝至暮或連日不出羣臣莫知其所言

時有上事爲激訐者高宗省之謂羣臣曰君父一也父有過子何不作書於衆中諫之而於私室屏處諫者豈非不欲其父之惡彰於外邪至於事君何獨不然君有得失不能面陳而上表顯諫欲以彰君之短明己之直此豈忠臣所爲乎如高允者乃真忠臣也朕有過未嘗不面言至有朕所不堪聞者允皆無所避朕聞其過而天下不知可不謂忠乎乃拜允中書令高宗重允常呼爲令公而不名游雅常曰高子內文明而外柔順其言呐呐不能出口昔崔司徒嘗謂余云高生豐才博學一代佳士所乏者矯矯風節耳余亦以爲然及司徒得罪起於纖微詔指臨責司徒聲嘶股栗殆不能言宗欽已下伏地流汗皆無人色高子獨敷陳事理由釋是非辭義

清辯音韻高亮人主爲之動容聽者無不神聳此非所謂矯矯者乎宗愛方用事威振四海嘗召百官於都坐王公已下皆趨庭望拜高子獨升階長揖由此觀之汲長孺可以卧見衛青何抗禮之有此非所謂風節者乎夫人固未易知吾旣失之於心崔又漏之於外此乃管仲所以致慟於鮑叔也

功臣門

漢明帝畫二十八將於雲臺

永平三年明帝思中興功臣乃圖畫二十八將於南宮雲臺以鄧禹為首次馬成吳漢王梁司馬復陳俊耿弇杜茂寇恂傅俊岑彭堅鐔馮異王霸朱祐任光祭遵李忠景丹萬脩蓋延邳彤鮪期劉植耿純臧宮馬武劉隆又益以王常李通竇融卓茂合三十二人馬援以椒房之親獨不與焉

蜀漢關羽恥與黃忠同列

建安二十四年劉備自稱漢中王以關羽為前將軍黃忠為後將軍遣益州前部司馬犍為費詩即授關羽印綬羽聞黃忠位與己並怒曰大丈夫終不與老兵同列不肯受拜詩謂

四

通鑑總類卷一八

功臣門三十一

羽曰夫立王業者所用非一昔蕭曹與高祖少小親舊而陳韓亡命後至論其班列韓最居上未聞蕭曹以此為怨今王與君侯譬猶一體同休等戚禍福共之愚謂君侯不宜計官號之高下爵祿之多少為意也羽大感悟遽即受拜

晉段灼申理鄧艾平蜀之功

泰始九年初鄧艾之死人皆冤之而朝廷無為之辨者及武帝即位議郎灼上疏曰鄧艾心懷至忠而荷反逆之名平定巴蜀而受三族之誅艾性剛急矜功伐善不能協同朋類故莫肯理之臣竊以為艾本屯田掌犢人寵位已極功名已成七十老公復何所求正以劉禪初降遠郡未附矯令承制權安社稷鍾會有悖逆之心畏艾威名因其疑似構成其事

艾被詔書即遣彊兵束身就縛不敢顧望誠自知奉見先帝必無當死之理也會受誅之後艾官屬將吏愚戇相聚自共追艾破壞檻車解其囚執艾在困地狼狽失據未嘗與腹心之人有平素之謀獨受腹背之誅豈不哀哉陛下龍興闡弘大度謂可聽艾歸葬舊墓還其田宅以平蜀之功繼封其後使艾闔棺定謚死無所恨則天下徇名之士思立功之臣必投湯火樂爲陛下死矣武帝善其言而未能從會武帝問給事中樊建以諸葛亮之治蜀曰吾獨不得如亮者而臣之乎建稽首曰陛下知鄧艾之冤而不能直雖得亮得無如馮唐之言乎武帝笑曰卿言起我意乃以艾孫朗爲郎中

唐太宗錄李靖之功赦其罪

通鑑總類卷一八

功臣門三十二

貞觀四年御史大夫蕭瑀劾奏李靖破頡利牙帳御軍無法突厥珍物虜掠俱盡請付法司推科太宗特敕勿劾及靖入見太宗大加責讓靖頓首謝久之太宗乃曰隋史萬歲破達頭可汗有功不賞以罪致戮朕則不然錄公之功赦公之罪加靖左光祿大夫未幾太宗謂靖曰前有人讒公今朕意已寤公勿以爲懷復賜絹二千匹

太宗不赦秦府功臣之罪

九年岷州都督鹽澤道行軍總管高甌生後軍期李靖按之甌生恨靖誣告靖謀反按驗無狀甌生坐減死徙邊或言甌生秦府功臣寬其罪太宗曰甌生違李靖節度又誣其反此而可寬法將安施且國家自起晉陽功臣多矣若甌生

則人人犯法安可復禁乎我於舊勳未嘗忘也為此不敢赦耳

畫功臣於陵煙閣

十七年太宗命圖畫功臣趙公長孫无忌趙郡元王孝恭萊成公杜如晦鄭文貞公魏徵梁公房玄齡申公高士廉鄂公尉遲敬德衛公李靖宋公蕭瑀襄忠壯公段志玄夔公劉弘基蔣忠公屈突通鄭節公殷開山譙襄公柴紹邳襄公長孫順德鄭公張亮陳公侯君集邲襄公張公謹盧公程知節永興文懿公房玄齡南渝襄公劉政會莒公唐儉英公李世勣胡壯公秦叔寶等於陵煙閣

太宗謂李勣可託孤

是歲李世勣嘗得暴疾方云須灰可療太宗自剪須為之和藥世勣頓首出血泣謝太宗曰為社稷非為卿也可謝之有世勣嘗侍宴太宗從容謂曰朕求羣臣可託幼孤者無以踰公公往不負李密豈負朕哉世勣流涕辭謝齧指出血因飲沈醉太宗解御服以覆之

褚遂良以房元齡勳舊不可棄

二十年房玄齡嘗以微譴歸第褚遂良上疏以為玄齡自義旗之始翼贊聖功武德之季冒死決策貞觀之初選賢立政人臣之勤玄齡為最不可遐弃陛下若以其衰老亦當諷諭使之致仕退之以禮不可以淺鮮之過并數十年之勳舊太宗遽召出之頃之玄齡復避位還家久之太宗幸芙蓉園玄

齡敕子弟汎掃門庭曰乘輿且至有頃太宗果幸其第因載玄齡還宮

李朝隱乞宥功臣之後

開元十年武彊令裴景仙坐贓五千匹事覺亡命明皇怒命集衆斬之大理卿李朝隱奏景仙曾祖寂有建義大功載初中以非罪破家惟景仙獨存今為承嫡宜宥其死投之荒遠其辭略曰十代宥賢功實宜錄一門絕祀情或可哀制令杖殺朝隱又奏曰若寂勲都弃仙罪特加則叔向之賢何足稱者若赦之鬼不其餒而明皇乃許之杖景仙一百流嶺南惡處

代宗禮重郭子儀

大曆二年郭子儀入朝代宗命元載王縉魚朝恩等玄置酒於其第一會之費至十萬緡代宗禮重子儀常謂之大臣而不名郭曖嘗與昇平公主爭言曖曰汝倚乃父為天子邪我父薄天子不為公主恚奔車奏之代宗曰此非汝所知彼誠如是使彼欲為天子天下豈汝家所有邪慰諭令歸子儀聞之因曖入待罪代宗曰鄙諺有之不癡不聾不為家翁兒女子聞房之言何足聽也子儀歸杖曖數十

張延賞不應罷李晟兵柄

貞元三年初韓滉薦劉玄佐可使將兵復河湟滉薨玄佐奏言吐蕃方彊未可與爭德宗遣中使勞問玄佐玄佐卧而受命張延賞知玄佐不可用奏以河湟事委李抱真抱真亦固辭皆由延賞罷李晟兵柄故武臣皆憤怒解體不肯為用故

李泌與德宗約保全功臣

以李泌為中書侍郎同平章事李泌初視事與李晟馬燧柳
 渾俱入見德宗謂泌曰朕今用卿欲與卿有約卿慎勿報仇
 有恩者朕當為卿報之對曰臣素奉道不與人為仇臣今日
 亦願與陛下為約可乎德宗曰何不可泌曰願陛下勿害功
 臣臣受陛下厚恩固無形迹李晟馬燧有大功於國聞有讒
 之者雖陛下必不聽然臣今日對二人言之欲其不自疑耳
 人臣苟蒙人主愛信則幸矣官於何有臣在靈武之日未嘗
 有官而將相皆受臣指畫陛下以李懷光為太尉而懷光愈
 懼遂至於叛此皆陛下所親見也今晟燧富貴已足苟陛下

通鑑總類卷十八

功臣門三十五

坦然待之使其自保無虞國家有事則出從征伐無事則入
 奉朝請何樂如之故臣願陛下勿以二臣功大而忌之二臣
 勿以位高而自疑則天下亦無事矣德宗曰朕始聞卿言聳
 然不知所謂及聽卿剖析乃知社稷之至計也朕謹當書紳
 二大臣亦當共保之晟燧皆起泣謝

渾瑊能以功名終

十五年渾瑊薨于河中瑊性謙謹雖位窮將相無自矜大之
 色每貢物必躬自閱視受賜如在上前由是為德宗所親愛
 德宗還自興元雖一州一鎮有兵者皆務姑息瑊每奏事不
 過輒私喜曰上不疑我故能以功名終

後唐李嗣源功高位重

同光三年莊宗性剛好勝子欲權在臣下入洛之後信伶官之讒頗踈忌宿將李嗣源亦在太原表李從珂為北京內牙馬步都指揮使以便其家莊宗怒曰嗣源握兵權居大鎮軍政在吾安得為其子奏請乃黜從珂為突騎指揮使帥數百人戍石門鎮嗣源憂恐上平申理久之方解嗣源乞至東京朝覲不許郭崇韜以嗣源功高位重亦忌之私謂人曰揔管令公非久為人下者皇家兄弟皆不及也密勸莊宗召之宿衛罷其兵權又勸莊宗除之莊宗皆不從

郭崇韜有功無四族誅

天成元年漢州無城塹樹木為柵任圜進攻其柵縱火焚之李紹琛引兵出戰於金鴈河兵敗與十餘騎奔綿竹追擒之四十六
孟知祥自至漢州犒軍與任圜董璋置酒高會引李紹琛檻車至座中知祥自酌大卮飲之謂曰公已擁節旌又有平蜀之功何患不富貴而求入此檻車郭紹琛曰郭侍中佐命功第一兵不血刃取兩川一旦無罪族誅如紹琛輩安保首領以此不敢歸朝耳

明宗問趙鳳鐵券

三年明宗問趙鳳帝王賜鐵券何也對曰與之立誓令其子孫長享爵祿耳明宗曰元朝受此賜者止三人崇韜繼麟尋皆族滅朕得脫如毫釐耳因歎息久之趙鳳曰帝王心存大信固不必刻之金石也

閩王仁達有力以族誅

長興四年閩主改福州爲長樂府親從都指揮使王仁達有擒王延稟之功性慷慨言事無所避閩主惡之嘗私謂左右曰仁達智有餘吾猶能御之非少主臣也至是竟誣叛族誅之

南唐宋齊丘以中興之功怨唐主

後晉天福七年唐丞相太保宋齊丘既罷尚書省不復朝謁唐主遣壽王景遂勞問許鎮洪州始入朝唐主與之宴酒酣齊丘曰陛下中興臣之力也柰何忘之唐主怒曰公以遊客干朕今爲三公亦足矣乃與人言朕鳥喙如曰踐難與共安樂有之乎齊丘曰臣實有此言臣爲遊客時陛下乃偏裨耳今日殺臣可矣明日唐主手詔謝之曰朕之褊性子高平昔所知少相親老相怨可乎以齊丘爲鎮南節度使

後周王峻恃佐命之功益驕慢

廣順二年樞密使王峻性輕躁多計數好權利喜人附已自以天下爲己任每言事太祖從之則喜或時未允輒愠懟往往發不遜語太祖以其故舊且有佐命功又素知其爲人每優容之峻年長於太祖太祖即位猶以兄呼之或稱其字峻以是益驕副使鄭仁誨皇城使向訓恩州團練使李重進皆太祖在藩鎮時腹心將佐也太祖即位稍稍進用峻心嫉之累表稱疾求解機務以詗帝意太祖屢遣左右數諭峻對使者辭氣亢厲太祖知樞密直學士陳觀與峻親善令往諭指觀曰陛下但聲言臨幸其第嚴駕以待之峻必不敢不來從

之峻入朝太祖慰勞令視事

高行周功高不矜

中書令高行周卒行周有勇而知義功高而不矜策馬臨敵叱咤風生平居與賓

集侃侃和易人以是重之

